

domovinskog rata/Federalnog ministarstva za pitanja boraca i invalida odbrambeno-oslobodilačkog rata, premijer Federacije Bosne i Hercegovine donosi

**PRAVILNIK
O OSTVARIVANJU PRAVA NA JEDNOKRATNU
NOVČANU POMOĆ ZA PLAĆANJE TROŠKOVA
LIJEČENJA RAZVOJAČENIH BRANITELJA**

I. OSNOVNE ODREDBE

Članak 1.
(Predmet)

- (1) Ovim pravilnikom utvrđuju se uslovi, kriteriji i način za ostvarivanje prava na jednokratnu novčanu pomoć za plaćanje troškova liječenja, koju mogu ostvariti razvojačeni branitelji.
- (2) Pod razvojačenim braniteljem smatra se pripadnik Armije Republike Bosne i Hercegovine, Hrvatskog vijeća odbrane i policije nadležnog organa unutarnjih poslova (u daljem tekstu: Oružane snage), koji je sudjelovao u pripremama za odbranu ili u odbrani Bosne i Hercegovine u periodu od 18.09.1991. godine do 22.04.1996. godine minimalno godinu dana, pod uvjetom da ne postoje okolnosti iz članka 36. Zakona o pravima branitelja i članova njihovih obitelji ("Službene novine Federacije BiH", br. 33/04, 56/05, 70/07, 9/10 i 90/17), kao i osoba koje je malodobno stupilo u Oružane snage u navedenom periodu.

Član 2.
(Finansijska sredstva)

- (1) Finansijska sredstva za isplatu jednokratnih novčanih pomoći za plaćanje troškova liječenja razvojačenih branitelja obezbijedit će se u proračunu Federacije Bosne i Hercegovine.
- (2) Ukoliko obezbijedena proračunska sredstva iz stavak (1) ovog članka nisu dovoljna za rješavanje svih zahtjeva koji ispunjavaju uslove definisane ovim pravilnikom u tekućoj godini, isti će biti rješavani sukladno sa odredbama članka 8. stavak (5) ovog pravilnika.

II. KORISNICI PRAVA

Član 3.
(Korisnici prava)

- (1) Pravo na jednokratnu novčanu pomoć za plaćanje troškova liječenja ostvaruje razvojačeni branitelji isključivo za vlastito liječenje.
- (2) Pravo na jednokratnu novčanu pomoć za plaćanje troškova liječenja prema ovom pravilniku može se ostvariti samo jedanput u dvije kalendarske godine.
- (3) Izuzetno, u teškim slučajevima, imajući u vidu težinu bolesti i troškove liječenja, federalni ministar za pitanja branitelja i invalida domovinskog rata (u daljem tekstu: federalni ministar) može posebnim rješenjem odobriti jednokratnu novčanu pomoć za plaćanje troškova liječenja neovisno od toga što je podnosilac zahtjeva to pravo već ostvario u prethodnoj kalendarskoj godini.
- (4) U smislu članka 8. stavak (5) ovog pravilnika, a u slučajevima prenesenih neriješenih zahtjeva, posljednjom godinom ostvarivanja prava na jednokratnu novčanu pomoć za plaćanje troškova liječenja kod Federalnog ministarstva za pitanja branitelja i invalida domovinskog rata/Federalnog ministarstva za pitanja boraca i invalida odbrambeno-oslobodilačkog rata (u daljem tekstu: Federalno ministarstvo) računa se godina u kojoj je podnesen zahtjev za ostvarivanje prava, a ne godina donošenja rješenja o ostvarivanju prava.

III. NAMJENA FINANSIJSKIH SREDSTAVA I USLOVI ZA OSTVARIVANJE PRAVA

Članak 4.
(Namjena sredstava)

Jednokratna novčana pomoć za plaćanje troškova liječenja se može odobriti za plaćanje troškova liječenja:

- a) u Bosni i Hercegovini,
- b) u inozemstvu, ako je u pitanju oboljenje koje se ne može liječiti u Bosni i Hercegovini.

Članak 5.

(Opći uvjeti za ostvarivanje prava na jednokratnu novčanu pomoć za plaćanje troškova liječenja)

Pravo na jednokratnu novčanu pomoć za plaćanje troškova liječenja, podnosilac zahtjeva može ostvariti ukoliko ispunjava sljedeće opće uvjete:

- a) ima prijavljeno mjesto prebivališta na području Federacije Bosne i Hercegovine (u daljem tekstu: Federacija), odnosno mjesto boravišta u statusu povratnika u entitet Republiku Srpsku i Brčko Distrikt Bosne i Hercegovine;
- b) dokaže status razvojačenog branitelja u smislu članka 1. stavak (2) ovog pravilnika;
- c) priloži valjanu medicinsku dokumentaciju, ne stariju od jedne godine od dana podnošenja zahtjeva i da se radi o oboljenju iz Liste oboljenja koja se nalazi u prilogu ovog pravilnika i čini njegov sastavni dio;
- d) da to pravo nije već ostvario kod Federalnog ministarstva po istom ili drugom osnovu u tekućoj i prethodnoj kalendarskoj godini, osim u slučajevima iz članak 3. stavak (3) ovog pravilnika;
- e) nije ostvario pravo na pomoć za plaćanje troškova liječenja po istom osnovu prema drugim propisima u tekućoj godini.

Članak 6.

(Posebni uvjeti za ostvarivanje prava na jednokratnu novčanu pomoć za plaćanje troškova liječenja u inozemstvu)

Pravo na jednokratnu novčanu pomoć za plaćanje troškova liječenja u inozemstvu, u iznosu predviđenom stavkom (2) članak 8. ovog pravilnika, podnosilac zahtjeva može ostvariti pod uvjetom da pored općih uvjeta iz članka 5. ovog pravilnika ispunjava i sljedeće posebne uvjete:

- a) da se oboljenje ne može liječiti u Federaciji, sukladno sa Pravilnikom o uvjetima i postupku upućivanja osiguranih osoba na liječenje u inozemstvu ("Službene novine Federacije BiH", br. 93/13 i 102/15);
- b) da je pribavljen prijedlog sveučilišno-kliničke bolnice (kliničke zdravstvene ustanove) koja se bavi liječenjem oboljenja za koje se traži odlazak na liječenje u inozemstvo, sa mišljenjem liječničkog konzilija izdatog suglasno Pravilniku o postupku i načinu rada liječničkog konzilijuma ("Službene novine Federacije BiH", broj 55/13);
- c) da dostavi predračun troškova budućeg liječenja u inozemstvu sa specifikacijom troškova liječenja odnosno, za otpočeto ili završeno liječenje u inozemstvu, kao i dokaze o nastalim troškovima.

Članak 7.

(Lista oboljenja za ostvarivanje prava na jednokratnu pomoć za liječenje razvojačenih branitelja)

Proračunska sredstva iz članak 2. stavak (1) ovog pravilnika, mogu se odobriti za pomoć u liječenju oboljenja utvrđenih Listom oboljenja za ostvarivanje prava na jednokratnu pomoć za liječenje razvojačenih branitelja (u daljem tekstu: Lista oboljenja), koja se nalazi u prilogu ovog pravilnika i čini njegov sastavni dio.